

Խնդրում եմ **տեղեկացնել հանձնաժողովի անդամներին, աշխատակազմի ստորաբաժանումների ղեկավարներին, ինչպես նաև նախապատրաստել հակիրճ զեկույց՝ գործակարգավար. խորհրդակցությանը ներկայացնելու համար**

**«Հ հանրային ծառայությունները կարգավորող հանձնաժողովի գլխավոր քարտուղար պարոն Ա. Սաֆարյանին»**

Տիկին **Ն. Գաբրիելյանին՝ Ի գիտություն**

Ա. Սաֆարյան *Ա. Սաֆարյան*

«*06*» *12* 2023թ.

**ՀԱՇՎԵՏՎՈՒԹՅՈՒՆ**

**1. Քաղաքացիական ծառայողի անունը, ազգանունը՝**

- Արմեն Հունանյան,
- Զարուհի Ստեփանյան,
- Սերգեյ Լազիկյան,
- Նարինե Կարոյան:

**2. Զբաղեցրած պաշտոնը՝ ՀՀ հանրային ծառայությունները կարգավորող հանձնաժողովի՝**

- հեռահաղորդակցության վարչության ռեսուրսների կառավարման և տեխնոլոգիական զարգացման բաժնի պետ,
- միջազգային համագործակցության բաժնի պետ,
- հեռահաղորդակցության վարչության կարգավորման քաղաքականության բաժնի գլխավոր մասնագետ,
- հեռահաղորդակցության վարչության կարգավորման քաղաքականության բաժնի գլխավոր մասնագետ:

**3. Գործուղման վայրը և ժամկետները՝** Թբիլիսի, Վրաստան, 2023 թվականի նոյեմբերի 29-30-ը:

**4. Հրավիրող կողմը (առկայության դեպքում)՝** Եվրոպական միության արևելյան գործընկերության երկրների էլեկտրոնային հաղորդակցությունը կարգավորողների ցանց (EaPeReg):

**5.Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)**՝ Մասնակցել EaPeReg ցանցի 22-րդ լիազումար ժողովին և «Լայնաշերտ ենթակառուցվածքների զարգացումը Եվրոպայի տարածաշրջանում և դրա սահմաններից դուրս» թեմայով աշխատանքային սեմինարին:

**6.Քննարկված թեմաները (հարցերը)**՝ Հանդիպման ընթացքում EaPeReg ցանցի 2023 թվականի նախագահող՝ Վրաստանի ազգային կարգավորող հանձնաժողովի և փոխնախագահող՝ Իռլանդիայի ազգային կարգավորող հանձնաժողովի ներկայացուցիչները ներկայացրին 2023 թվականի ընթացքում ցանցի կողմից իրականացված աշխատանքները, Եվրոպական միության կողմից տրամադրվող աջակցությունը, «ԵՄ-ն հանուն թվային օրակարգի» (EU4Digital) նախաձեռնության շրջանակում կատարված վերլուծությունները, ինչպես նաև ցանցի և ցանցում գործող աշխատանքային խմբերի 2024 թվականի ծրագիրը:

Մասնավորապես՝ ներկայացվեցին EaPeReg ցանցում գործող աշխատանքային խմբերի կողմից 2023 թվականի ընթացքում իրականացված աշխատանքները՝

- ՀՀ հանրային ծառայությունները կարգավորող հանձնաժողովը, որպես ռոումինգի հարցերով աշխատանքային խմբի (REWG) նախագահող, ի դեմս Զ. Ստեփանյանի ներկայացրեց խմբի կողմից սույն թվականի հուլիսից ի վեր կատարված աշխատանքները: Նշվեց, որ Ռոումինգի հարցերով տարածաշրջանային համաձայնագրի ստորագրման նպատակով անցկացվել են մի քանի հանդիպումներ, որոնց արդյունքում լրամշակված համաձայնագրի նախագիծը շրջանառվել է ԵՄ ԱԳ երկրներում, սակայն մինչ օրս Ուկրաինայի ներկայացուցիչները չեն ներկայացրել իրենց նկատառումները համաձայնագրի նախագծի վերաբերյալ: Ուստի, ներկայումս EU4Digital նախաձեռնությունը կասեցրել է համաձայնագրի ստորագրմանն ուղղված աշխատանքները:

Մինչույն ժամանակ նշվեց, որ Վրաստանի ազգային կարգավորող մարմնի և հանձնաժողովի ներկայացուցիչների կողմից բարձրացվել էր ձայնային զանգերի վերջնավորման շուկայի վերլուծության անհրաժեշտության հարցը, որի մասով EaPeReg ցանցի ղեկավարությունը խնդրել էր EU4Digital նախաձեռնության փորձագետներին նախապատրաստել վերլուծության իրականացման տեխնիկական առաջադրանքը: Տեխնիկական առաջադրանքը ներկայացվել էր ռոումինգի հարցերով աշխատանքային խմբի (REWG) հանդիպման ընթացքում, ինչի արդյունքում Հայաստանի, Վրաստանի, Մոլդովայի և Ադրբեջանի

ներկայացուցիչները հայտնեցին իրենց ցանկությունը վերոնշյալ վերլուծությունը իրականացնելու մասով: Ուկրաինայի ներկայացուցիչները նշեցին, որ ներկա պահին անհնար է ներկայացնել վերոնշյալ վերլուծությունը, ուստի EU4Digital նախաձեռնության ներկայացուցիչները հայտնեցին, որ կնախապատրաստվի հարցաթերթիկ, որը հետագայում կօգնի Ուկրաինայի ներկայացուցիչներին վերլուծության իրականացման հարցում:

- Ռադիոհաճախականությունների հարցերով աշխատանքային խմբի (SEWG) նախագահողը նշեց, որ ներկայումս քննարկվում է ԵՄ ԱԳ տարածաշրջանում շարժական կապի 5G տեխնոլոգիայի ներդրման համար օգտագործվող նոր ռադիոհաճախականությունների մասով կողորդինացիոն համաձայնագրի մշակման նպատակահարմարությունը: Մինչև ժամանակ, խմբի շրջանակում իրականացվում են Հեռահաղորդակցության միջազգային միության (ITU) կողմից կազմակերպող՝ Ռադիոհաճախականությունների համաշխարհային կոնֆերանսի (WRC) ընթացքում Եվրոպական միության կողմից ներկայացվելիք առաջարկների մշակման աշխատանքներ:
- Կարգավորողների անկախության և լայնաշերտի հարցերով աշխատանքային խմբի (IRB EWG) նախագահողի կողմից ներկայացվեցին խմբի շրջանակում իրականացվող աշխատանքները, մասնավորապես՝ ԵՄ ԱԳ երկրներում լայնաշերտ կապի հասանելիության մասին մշակվող հաշվետվությունը, որի նախագիծը նախապատրաստվել է EU4Digital նախաձեռնության փորձագետների կողմից: Խումբը իրականացնում է լայնաշերտ ինտերնետ հասանելիության շուկաների վերլուծություն, որի նպատակով համապատասխան հարցաշարերը լրացվել և ուղարկվել են EU4Digital նախաձեռնության փորձագետներին: Ներկայացվեցին նաև սույն թվականի հոկտեմբերի 25-26-ը Երևանում կայացած IRB EWG խմբի հանդիպման արդյունքները:

Նիստի ընթացքում քննարկվեց նաև EaPeReg ցանցի միջազգային համագործակցությունը Էլեկտրոնային հաղորդակցության եվրոպական կարգավորողների մարմնի (BEREC), Հեռահաղորդակցության միջազգային միության (ITU), Եվրամիջերկրական կարգավորողների խմբի (EMERG), ինչպես նաև Ռադիոհաճախականությունների քաղաքականություն մշակողների խմբի (RSPG) հետ, որը սկսվել է 2022 թվականին՝ ՀՀ հանրային ծառայությունները կարգավորող հանձնաժողովի նախագահության տարվա ընթացքում:

Միևնույն ժամանակ, ներկայացվեցին սույն թվականի հոկտեմբերի 4-ին Մադեյրայում կազմակերպված BEREC-EaPeReg-EMERG-REGULATEL քառակողմ գազաթնաժողովի արդյունքները:

Եվրոպական հանձնաժողովի հարևանության և ընդլայնման բանակցությունների գլխավոր տնօրինության (DG NEAR) ներկայացուցիչները խոսեցին ԵՄ կողմից հանդիպումների ֆինանսավորման նոր կանոնակարգերի մասին, որոնք պետք է հաշվի առնել ԵՄ և ԵՄ ԱԳ երկրներում հանդիպումներ կազմակերպելիս: Նշվեց, որ ներկայումս, խնադողություններ կատարելու պահանջով պայմանավորված, հյուրընկալող կողմը ավելի մեծ ներդրում պետք է ունենա հանդիպման կազմակերպման հարցում:

Միջոցառման երկրորդ օրը անցկացվեց «Լայնաշերտ ենթակառուցվածքների զարգացումը Եվրոպայի տարածաշրջանում և դրա սահմաններից դուրս» թեմայով աշխատանքային սեմինար: Սեմինարի ընթացքում Վրաստանի, Պորտուգալիայի և Ռումինիայի ազգային կարգավորող մարմինների ներկայացուցիչների կողմից ներկայացվեցին լայնաշերտ ինտերնետ հասանլիության քարտեզագրման ուղղությամբ իրականացված աշխատանքները: Վերոնշյալ սեմինարը երրորդն էր «Լայնաշերտ ինտերնետ հասանլիության զարգացում» թեմայով կազմակերպված սեմինարների շարքում: Հայաստանի փորձը ներկայացվել էր երկրորդ սեմինարի ընթացքում որը կազմակերպվել էր սույն թվականի նոյեմբերի 8-ին:

**8. Հանդիպումների ժամանակ ընդունված որոշումները, պայմանավորվածությունները, ստորագրված փաստաթղթերը՝** Հանդիպման արդյունքներով պայմանավորված հանձնաժողովը, որպես ռոումինգի հարցերով աշխատանքային խմբի (REWG) նախագահող, և Վրաստանի ազգային կարգավորող հանձնաժողովը, որպես EaPeReg ցանցի 2023 թվականի նախագահող, կսկսեն քննարկումները Եվրոպական հանձնաժողովի հարևանության և ընդլայնման բանակցությունների գլխավոր տնօրինության (DG NEAR) հետ ձայնային զանգերի վերջնավորման շուկայի վերլուծության իրականացման բաղադրիչը EU4Digital նախաձեռնության ծրագրում ներառելու մասով:


Միևնույն ժամանակ, հանձնաժողովը ներկայումս հանդիսանալով EaPeReg ցանցում գործող երկու աշխատանքային խմբերի ղեկավարող, իր պատրաստակամությունն է հայտնել շարունակել աջակցել Մոլդովայի էլեկտրոնային հաղորդակցության և ինֆորմացիոն տեխնոլոգիաների ազգային կարգավորող գործակալությանը (ANRCETI) և Ռումինիայի հաղորդակցության կարգավորման ազգային մարմին (ANCOM)՝ 2024


թվականի նախագահության, 2024 թվականի աշխատանքային ծրագրի իրականացման հարցում:


**9.Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝** Ձեռք բերված պայմանավորվածությունների համաձայն նախատեսվում է՝ որպես EaPeReg ցանցում գործող երկու աշխատանքային խմբերի ղեկավարող, շարունակել մասնակցել 2024 թվականի նախագահության կողմից կազմակերպվող պարբերական հանդիպումներին՝ ընթացիկ աշխատանքները քննարկելու նպատակով, ինչպես նաև EaPeReg ցանցի Troika-ի հանդիպումներին՝ աշխատանքային ծրագրի իրականացումը քննարկելու նպատակով:

Հաշվի առնելով, որ հանդիպման ժամանակ որոշում է կայացվել իրականացնել ձայնային զանգերի վերջնավորման շուկայի վերլուծություն՝ առաջարկում ենք շարունակել համատեղ աշխատանքները EU4Digital նախաձեռնության փորձագետների հետ՝ վերլուծության համար անհրաժեշտ նյութերի նախապատրաստման, հարցաթերթիկների լրացման և հետագայում ներկայացված վերլուծության արդյունքների ուսումնասիրության մասով:


Մինչույն ժամանակ, հաշվի առնելով, որ EaPeReg ցանցի 2024 թվականի աշխատանքային ծրագրի համաձայն հանձնաժողովը, որպես ռոումինգի հարցերով աշխատանքային խմբի նախագահող, հանդիսանում է աշխատանքային խմբի հանդիպումների կազմակերպման պատասխանատու մարմին՝ նախատեսվում է իրականացնել համապատասխան աշխատանքներ նշված գործընթացների կազմակերպման համար:

Գործուղվող  6.12.2023թ. **Ա. Հունանյան**  
(ստորագրությունը, ամսաթիվը)

Գործուղվող  6.12.2023թ. **Ս. Լազիկյան**  
(ստորագրությունը, ամսաթիվը)

Գործուղվող  6.12.2023թ. **Ն. Կարոյան**  
(ստորագրությունը, ամսաթիվը)

Գործուղվող



06.12.2022թ.

(ստորագրությունը, ամսաթիվը)

**Ձ. Սրեփանյան**

**Օրինակելի ձև**

**ԳՐԹՈՒՂՄԱՆ ԾԱԽՍԵՐԻ ԿԵՐՋՆԱԿԱՆ ՀԱՇՎԱՐԿ**

1. Մարմնի անվանումը Հանրային ծառայությունները կարգավորող հանձնաժողով

2. Գործուղման մասին իրավական ակտի համարը Հրաման 1058-ԳՔ, 10.11.2023թ.

3. Անունը, ազգանունը, զբաղեցրած պաշտոնը (մասնագիտությունը)

ՀՀ ՀԾԿՀ-ի միջազգային համագործակցության բաժնի պետ

Զարուհի Ստեփանյանին

հեռահաղորդակցության վարչության ռեսուրսների կառավարման և տեխնոլոգիական զարգ. բաժնի պետ  
**Արմեն Հունանյանին,**

հեռահաղորդակցության վարչության կարգավորման քաղաքականության բաժնի գլխավոր մասնագետ  
**Սերգեյ Լազիկյանին .**

հեռահաղորդակցության վարչության կարգավորման քաղաքականության բաժնի գլխավոր մասնագետ  
**Նարինե Կարոյանին :**

(*թվարկել՝ պատվիրակություն գործուղելու դեպքում*)

4. Գործուղման վայրը՝ Թբիլիսի /Վրաստան/

5. Գործուղման ժամկետները՝ 28.11-01.12.2023թ.

6. Գործուղման ծախսերի ֆինանսավորման աղբյուրը՝ ՀՀ պետական բյուջե

1) իրավիրող կողմի միջոցների հաշվին հատուցվող ծախսերը՝ զիշերակաց ,ճանապարհածախս

2) պետական բյուջեի միջոցների հաշվին հատուցվող ծախսերը՝ օրապահիկ :

(*ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան*)

(*ընդգծել ծախսերի փոխհատուցման տարբերակը*)


օ ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը

օ բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

---

Ծախսի տեսակը		Ջարուհի Ստեփանյանի	Արմեն Հունանյանին	Սերգեյ Լազիկյանին	Նարինե Կարոյանի	Ընդամենը (հազ. դրամ)
Ճանապարհ- հաճախ	Ավիաժառայության տեսակը (էկոնոմ դաս, բիզնես դաս)					
	Ավիատոմսի արժեքը (դրամ)					
Գիշերավարձ	Վճարը 1 օրվա համար (արտարժույթով՝ դոլար)					
	Վճարը 1 օրվա համար (դրամ)					
	Օրերի քանակը					
	Ընդամենը (դրամ)					
Օրապահիկ	Վճարը 1 օրվա համար (արտարժույթով՝ դոլար)	76	76	76	76	
	Վճարը 1 օրվա համար (դրամ)	30,627	30,627	30,627	30,627	
	Օրերի քանակը	4	4	4	4	
	Ընդամենը (դրամ)	122,509	122,509	122,509	122,509	490.036
Այլ ծախսեր	Հակահամաճարակային նմուշառումների վճար					
	Մուտքի արտոնագրի վճար					
	Այլ ծախսեր (նկարագրել)					
Ընդամենը ծախսեր (հազ. դրամ)		122.51	122.51	122.51	122.51	490.036

Գլխավոր ֆինանսիստի ստորագրությունը,



(հավելվածը լրաց. 23.03.23 N 326-Ն)

Ամսաթիվ

04.12.2023թ.

